



Оламнинг иши халк билан душманлик экан, олим хор-у, жокил (билимсиз, нодон) азиз бўлаверади. Токи жакон зулмдан воз кечмас экан, дарахт баланд бўлиб, мева ерга тушаверади. Нокасларга баланд мартабалар-у, билим аклига - азоб-укубат, тошлар тог устида-ю, бойлик, конлар унинг остида бўлаверади. Феъли ёмонлар юксак мавкеъларни эгаллаб, оламни хукмига бўйсундираверади. Худди бахтсизлик манбаи бўлган Кайвон (Зухал) юлдузи осмоннинг юкори кисмида ўрнашиб олгандек, «Саъди Акбар» бўлган Муштарий ундан куйида, олтинчи осмонда жойлашибди. Фалак хамиша яхшини ёмондан куйига кўяди, бўлмаса яхши ёмондан гаму озор тортиб, богда гулнинг хамнафаси тикан бўлармиди? Канчадан-канча соф, пок дурларни яширган садафнинг корнини олмос билан ёриб, багрини чок килишармиди?

Багир ёрмок максади бўлган куш шох билаги устида ором олади, чиройли, дилкаш наволар чекувчи куш - булбул эса кул ичида хор бўлиб яшайди.

Бир нотавон йигит шахридан илм истаб йўлга тушади, каш-шоклигидан оёгида ковуши кам йўк, тўни кам йўклигидан танаси яланг. Оёқларини тиканлар илма-тешик килиб юборган, бошида икки-уч ўралган салла. Хайвонлар териси каби кийимининг бошидан оёги тилик-тилик. Максaди кушини кидириб кўзда ёши билан шахар кезади. Эгнида китобу дафтар, илм олишга шошилади.

Корни мухтожлик туфайли хамиша оч. Жисми шунчалик заифлашганки, савол беришга хам мадори колмаган.

Халк кўп бўлгани билан бирон киши унга дўстлик кўрсатиб, мадад килишни истамайди. Бечора йигит ўз шахру диёрини ёдига олиб, бу ерда каерга боришни билмайди. Кўча, уй,

бозор кўп, лекин бу йигит каерга бориш, каёкка кадам уришдан ожиз. Окшомгача шу тарзда тентираб коронги тушгач, бирон бурчакни топиб ухлаб колади, лекин тонггача уйку келмай бекол ётаверади.

Тонг отиши билан мадрасама-мадраса юриб, ўз холини айтиб неча кунини бекорга ўтказади. Унинг истагини эшитган баъзилар уни хазил-мазах киладилар. Кундуз маскан, кечаси ётадиган бир жой тополмай, гурбатда изтироб чекиб, шунча алам кўрадики, тил билан ҳам баён килиб бўлмайди.

Хуллас, мадрасалар бурчагида ўн-ўн беш йил алам чекиб, ҳам ишлаб, ҳам билим олишга тиришиб, охири ўзига бир-икки сохиб камол дўст топиб, турли билимларни, ибрий, юнон, сурёни тилларини, хинд тилини ҳам пухта эгаллайди. Унинг кўнгил уйи бир дарё бўлдики, унинг қар катрасида бир дард нихон эди. Фалак илмларини шунчалик кенг ва чуқур эгалладики, Абу Али фикрларини осонгина ечиб берарди.

Лекин унинг душманлари, хасадгўйлари ҳам йўқ эмасди. Айрим жохил, илмсиз золимлар унинг тўгри кўрган нарсасини эгри деб, айтганларини нотўгри, ёкимсиз деб кўрсатишарди. Уни дину диёнатсиз килиб кўрсатувчилар ҳам топиларди.

Хисобсиз бойликка эга бўлган, кийиму асбоблари заркаш, ёмонликдан итдан кам баттар бир жохил унга ёмонликни раво кўриб, олимнинг фазлу фасохатли сўз ва ишларига кабохат ва разолат билан жавоб берарди.

Амир деган номга эга бўлган бу жохил халкка ўз айтганларини килдира оларди. Унга халиги билимли олимнинг хизмати керак бўлиб, уни хизматга олмокчи бўлди.

Олим эса илтимос кила-кила, зўрга бир маротабагина рухсат олиб, амир кабулига кира олди...

Илмни ким воситаи жох этар,  
Ўзинию халкни гумрох этар.  
Олим агар жох учун ўлса залил,  
Илми унинг жахлига бўлгай далил

Олим илмга садокат билан хизмат килиши керак.

Олим агар катъи амал айласа,  
Илмига шойиста амал айласа.  
Солмаса кўз жифаи дунйи сари,  
Бокмаса туз дунйийи фоний сари.  
Они шараф гавхарининг кони бил,  
Гавхару кон, хар не десанг — они бил

Бундай олим атрофини чексиз гавхарлар ўраб олган, ўзи осмон бўлса, хар тараф унинг юлдузлари бўлган; конидаги гавхарларининг барчаси хам пок бўлган, юлдузлари хам хароратли, ялтирок бўлади.

Кимга бундай бахт насиб бўлиб, дунёга кўз солмаса, эгнидаги кийимлари юз ямок бўлса хам, асал солинган идишдан яхширок, мушкию нофаси йўк бўлса хам дурустрок бўлади.

Эр кишига хилъат ила не шараф,  
Дурга не нуксон йирок ўлса садаф.  
Кайси чибин кисвати заркордур,  
Ери дурур кайдаки мурдордур.

Алишер Навоийнинг  
"Хайрат ул-аброр"дан